

17.12.2019թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 402511/04

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 17.12.2019թ. թիվ _____ վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ 28904 գործը և կից նյութերը,

ՊԱՐԶԵՑԻ

<<ՕՍԿՈՐ ԷԼԵԿՏՐՈՆԻՔՍ>> ՍՊԸ-ի (ՀՎՀՀ 01249132) հարկային պարտավորությունները՝ համաձայն անձնական հաշվի քարտի տվյալների՝ 25.10.2019թ-ի դրությամբ կազմել են 264.404 դրամ, որից 256"789 ՀՀ դրամ գումարն առաջացել 2019թ-ի 3-րդ եռամսյակի շրջանառության հարկի հաշվարկից:

Նշված պարտավորությունը <<ՕՍԿՈՐ ԷԼԵԿՏՐՈՆԻՔՍ>> ՍՊԸ-ի տնօրեն Արթուր Քոչարյանի (ՀՎՀՀ 01249132, հասցե՝ ք.Երևան, Աբելյան 6/1) կողմից ՀՀ Հարկային օրենսգրքի 262-րդ հոդվածի 1-ին մասով սահմանված ժամկետում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին՝ ակտի հասցեատերը չի ներկայացել: Գործում առկա չէ առարկություն կամ բացատրություն:

Վարչական վարույթի ընթացքում հայտնի է դարձել, որ <<ՕՍԿՈՐ ԷԼԵԿՏՐՈՆԻՔՍ>> ՍՊԸ-ի տնօրեն Արթուր Քոչարյանը ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել նաև 2019 թվականի սեպտեմբեր ամսվա եկամտային հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Այն փաստը, որ Արթուր Քոչարյանի կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 35, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի, Արթուր Քոչարյանի նկատմամբ կիրառել վարչական տույժ՝ նշանակել տուգանք 10.000 (տաս հազար) դրամի չափով:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ